



**ԵԶՐԱԿԱՎՈՒԹՅՈՒՆ**

**Երևանի Վ.Բրյուսովի անվան պետական լեզվաբանական համալսարանի  
ինստիտուցիոնալ կարողությունների վերաբերյալ**

**Ընդհանուր տեղեկություն հաստատության մասին**

Հաստատության լրիվ անվանումը	Երևանի Վ.Բրյուսովի անվան պետական լեզվաբանական համալսարան
Հասպավումը	ԵՊԼՀ
Գործունեության հասցեն	Թումանյան փող. 42, Երևան, 0009, ՀՀ
Նախորդ հավատարմագրման մասին որոշումը և ժամկետը	Չի ունեցել

**ՕՐԵՆՄԱՐԱԿԱՆ ՀԻՄՔԸ**

«Մասնագիտական կրթության որակի ապահովման ազգային կենտրոն» հիմնադրամը (այսուհետ՝ ՈԱԱԿ), ղեկավարվելով ՀՀ կառավարության 2011 թվականի հունիսի 30-ի N 978-Ն որոշմամբ հաստատված «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «ՀՀ մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգով՝ ՈԱԱԿ-ի ներկայացուցիչների, փորձագիտական խմբի, գործընթացի ՈԱԱԿ համակարգողի մասնակցությամբ քննարկեց Երևանի Վ.Բրյուսովի անվան պետական լեզվաբանական համալսարանի (այսուհետ՝ ԵՊԼՀ) կողմից ներկայացված ինքնավերլուծության, փորձագիտական զեկույցի, զեկույցում նշված թերությունների վերացման մասին ԵՊԼՀ-ի գործողությունների ծրագրի և այդ ծրագրի վերաբերյալ փորձագիտական խմբի կարծիքի հիման վրա կազմված ԵՊԼՀ-ի ինստիտուցիոնալ կարողությունների վերաբերյալ ՈԱԱԿ-ի եզրակացության նախագիծը:

**քննարկման արդյունքում ամրագրեց հետևյալը:**

Հավատարմագրման գործընթացի հիմնական փուլերն իրականացվել են հետևյալ ժամկետներում.

ղիմում-հայտի ներկայացում`	12 մարտի 2012,
բուհի ինքնավերլուծության ներկայացում`	27 դեկտեմբերի 2012,
փորձագիտական այցի իրականացում`	13-17 մայիսի 2013,
փորձագիտական զեկույցի ներկայացում`	1 օգոստոսի 2013,
թերությունների վերացման ծրագրի ներկայացում`	14 փետրվարի 2014:

## ՓՈՐՁԱԳԻՏԱԿԱՆ ԳՆԱՀԱՏՄԱՆ ԱՐԴՅՈՒՆՔՆԵՐԸ

Փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգ»-ի պահանջներին համապատասխան ձևավորված անկախ փորձագետների խումբը<sup>1</sup>: Գնահատումը կատարվել է ՀՀ կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով<sup>2</sup>:

### ՀԱՄԱՌՈՏ ԱՎՆԱՐԿ

Գնահատում իրականացնելիս հաշվի է առնվել, որ ԵՊԼՀ-ն հանդիսանում է լեզվաբանական, հումանիտար և միջմշակութային հաղորդակցության ոլորտների կրթություն ապահովող ազդեցիկ դերակատար: Համալսարանը ձգտում է ստանձնել լեզուների և բազմազան մշակույթների վերաբերյալ տեղեկատվության, հանդուրժողականության և գործընկերության գաղափարների ու ժողովրդավարական արժեքների տարածման կենտրոնի դերակատարություն:

Իր գործունեության ընթացքում համալսարանը հավատարմագրում չի անցել կրթության որակի ապահովումը իրականացվել է որակի վերահսկման որոշ մեխանիզմների կիրառման միջոցով: Հավատարմագրման այս գործընթացը ինստիտուցիոնալ կարողությունների ինքնավերլուծության համալսարանի առաջին փորձն է՝ կրթական միջավայրի բավարարության, ծրագրերի իրականացման արդյունավետության, հասարակության առջև հաշվետվողականության և վերջերս ներդրված որակի ներքին ապահովման համակարգի աշխատանքի ինքնազննահատման նպատակով:

ԵՊԼՀ-ում կրթություն է իրականացվում բարձրագույն կրթության բոլոր երեք (բակալավրի, մագիստրոսի և հետազոտողի) մակարդակներով: Բակալավրական կրթական ծրագրեր են իրականացվում «Լեզվաբանություն», «Օտար լեզու և գրականություն», «Լեզվաբանություն և միջմշակութային հաղորդակցություն», «Թարգմանչական գործ», «Ռուսաց լեզու և գրականություն» մասնագիտությունների գծով: Մագիստրոսի մակարդակում կրթական ծրագրեր են իրականացվում «Լեզվաբանություն», «Լեզվաբանություն և միջմշակութային հաղորդակցություն», «Թարգմանչական գործ», «Օտար լեզու և գրականություն», «Հանրային կառավարում», «Լրագրություն», «Եվրոպագիտություն» մասնագիտությունների գծով: Հետազոտողի կրթական ծրագրերը իրականացվում են բանասիրության, լեզվաբանության, ընդհանուր և կիրառական լեզվաբանության, սլավոնական, գերմանական և ռոմանական լեզուների, մանկավարժության պատմության և տեսության ու դասավանդման մեթոդիկաների ուղղություններով:

Բակալավրական և մագիստրոսական կրթական ծրագրերի դասընթացների մակարդակով ԵՊԼՀ-ում առկա են հստակ ձևակերպված ուսումնառության ակնկալվող վերջնարդյունքներ, իսկ ԵՊԼՀ-ում կիրառվող դասավանդման և ուսումնառության բազմազան մեթոդները հիմնականում նպաստում են այդ վերջնարդյունքների ձևավորմանը:

Դասավանդման գործընթացում արդի հետազոտությունների ներդրման մակարդակը ԵՊԼՀ-ում դեռևս ցածր է:

Ներկայումս ԵՊԼՀ ակտիվ գործընթացներ է կատարում ՄԿԾ-ների մակարդակում վերջնարդյունքները միջազգային նորմերին համապատասխան հստակ ձևակերպելու համար:

<sup>1</sup> Հավելված 1՝ Փորձագիտական խմբի կազմը և ՈԱԱԿ-ի աջակցող անձնակազմը

<sup>2</sup> Հավելված 2՝ ԱՍՓՈՓ ԳՆԱՀԱՏՈՒՄ

Կրթական ծրագրերի միջազգայնացման նպատակով համալսարանը TEMPUS-ի ծրագրերի շրջանակներում համագործակցում է մի շարք Եվրոպական համալսարանների հետ:

ԵՊԼՀ-ն ապահովում է ՄԿԾ-երի իրականացման համար անհրաժեշտ ուսումնական միջավայր, որը ներառում է շենքային և գույքային պայմանները, գրադարանը, տեղեկատվական և հաղորդակցական սարքավորումները: ԵՊԼՀ-ում ստեղծված են պայմաններ անվտանգության և առողջության պահպանման համար, սակայն սննդի կազմակերպման և մարզական պայմանները բարելավման կարիք ունեն: ԵՊԼՀ-ում գործում են նաև պահնորդային ծառայությունները և քաղաքացիական պաշտպանության կառույցը:

Ֆինանսական ռեսուրսների անբավարարությունը խոչընդոտում է հետազոտությունների և միջազգայնացման նպատակով տեղական և միջազգային հաստատությունների և կառույցների հետ արդյունավետ համագործակցությանը: Լիարժեք չեն օգտագործվում միջազգային դրամաշնորհային ծրագրերից լրացուցիչ ֆինանսավորում ստանալու հնարավորությունները:

Վերջին տարիներին համալսարանում փորձեր են արվում գտնել ֆինանսավորման նոր աղբյուրներ: Համալսարանին հաջողվել է աջակցություն ստանալ օտարերկրյա պետությունների կառավարություններից և դեսպանատներից, որոնց շնորհիվ հարստացվել են դասախոսներին և ուսանողներին տրամադրվող ռեսուրսները: Որոշ չափով ռեսուրսները համալրվել են նաև տեղական բիզնեսի շնորհիվ:

ԵՊԼՀ-ն ապահոված է իր կրթական ծրագրերի իրականացման համար անհրաժեշտ դասախոսական կազմով: Բուհի 383 դասախոսներից 12-ը գիտությունների դոկտոր են, 12-ը՝ պրոֆեսոր, 145-ը գիտությունների թեկնածու և 81-ը դոցենտ:

ԵՊԼՀ-ն իրականացնում է դասավանդողների կատարելագործմանն ուղղված որոշ աշխատանքներ, սակայն դրանք համակարգված չեն: Որպես կանոն վերապատրաստումները իրականացվում են դասախոսների նախաձեռնությամբ, դրամաշնորհների շրջանակներում:

Գասախոսների գիտական հետազոտությունների օժանդակման և միջազգայնացման համար բուհում պարբերաբար կազմակերպվում են գիտական միջոցառումներ, հնարավորինս ապահովելով օտարերկրյա գիտնականների մասնակցությունը: Գիտական ոլորտում միջազգային համագործակցության ապահովման նպատակով գործընկեր համալսարանների հետ կազմակերպվում են համատեղ հետազոտություններ, որոնց արդյունքները տպագրվում են միջազգային գիտական հանդեսներում: Սակայն այդ ուղղությամբ համալսարանը դեռ գոհացուցիչ արդյունքների չի հասել՝ Հայաստանից դուրս հրատարակված հոդվածների ցանկը համեմատաբար սահմանափակ է:

Ուսումը ավելի մատչելի դարձնելու և ուսանողներին աջակցման նպատակով բուհը ստեղծում է լրացուցիչ պարապմունքների կազմակերպման և խորհրդատվություն տրամադրելու հնարավորություններ, խորհրդատվությունները իրականացվում են ըստ սահմանված ժամանակացույցերի:

ԵՊԼՀ-ում բազմաբնույթ միջոցառումների կազմակերպման, ուսանողների աջակցության և շահերի պաշտպանության ուղղությամբ ակտիվ է գործում ուսանողական խորհուրդը, որին նույնիսկ հատկացվում է առանձին բյուջե: Կարիերայի կենտրոնը պարբերաբար իրականացնում է գործատուների և ուսանողների հանդիպումներ: ԵՊԼՀ-ում գործում են ուսանողների հավաքագրման, ընտրության և ընդունելության իրականացման հստակ մեխանիզմներ: ԵՊԼՀ-ն ունի ուսանողների կարիքների վերհանմանը և բավարարմանը նպաստող մի շարք կարգեր: ԵՊԼՀ-ում մշակվել են «Ուսանողների բավարարվածության գնահատում» հարցաշարեր, կատարվել է փորձնական հարցում:

ԵՊԼՀ-ն ունի կառավարման հստակ համակարգ: Առկա են կառավարման մարմինների ընտրության, գիտական և ուսումնական ստորաբաժանումների ղեկավարների պաշտոնների զբաղեցման հստակ կարգեր: ԵՊԼՀ-ն ունի անհրաժեշտ մարդկային, նյութական և ֆինանսական ռեսուրսներ: Գործող կառավարման համակարգը հնարավորություն է տալիս դասախոսներին և ուսանողներին Կառավարման, Գիտական և ֆակուլտետային խորհուրդներում ներգրավվածության միջոցով մասնակցել իրենց առնչվող որոշումների կայացմանը:

ԵՊԼՀ-ն կարևորում է որակի ապահովման ներքին համակարգի ներդրումը: ՈԱԿ-ի կողմից մշակվել է ՈՐԱԿ - 2015 ԵՊԼՀ Որակի ապահովման կենտրոնի ռազմավարական ծրագիրն ու գործողությունների պլանը, որը ԵՊԼՀ-ում որակի ապահովման ներքին համակարգի գործառնությունը կարգավորող միասնական փաստաթուղթ է: Այն ներկայացնում է որակի ապահովման տեսանկյունից ԵՊԼՀ-ի կողմից տարվող քաղաքականությունը: ԵՊԼՀ բոլոր ստորաբաժանումներում աշխատանքներ են մեկնարկել իրենց գործունեությունում որակի ապահովման շրջափուլի ներդրման ուղղությամբ: Սակայն բավարար հիմքեր որակի ապահովման արտաքին գնահատման գործընթացների համար ՈԱԿ-ը դեռևս չի ապահովում:

### **ՈՒԺԵՂ ԿՈՂՄԵՐ**

1. ԵՊԼՀ-ն ունի կառավարման հստակ համակարգ: Առկա են կառավարման մարմինների ընտրության, գիտական և ուսումնական ստորաբաժանումների ղեկավարների պաշտոնների զբաղեցման հստակ կարգեր:
2. ԵՊԼՀ-ում կիրառվում են դասավանդման և ուսումնառության բազմազան մեթոդներ, որոնք հիմնականում նպաստում են դասընթացների վերջնարդյունքների ձևավորմանը:
3. Բուհը ստեղծում է լրացուցիչ պարապմունքների կազմակերպման և խորհրդատվություն տրամադրելու հնարավորություններ, խորհրդատվությունները իրականացվում են ըստ սահմանված ժամանակացույցերի:
4. ԵՊԼՀ-ն ապահովում է իր գործունեության թափանցիկությունը ռեկտորի տարեկան հաշվետվությունները և բոլոր պաշտոնական փաստաթղթերը ԵՊԼՀ-ի կայքում տեղադրելու միջոցով: Կայքը կիրառվում է նաև որպես հասարակության հետ հետադարձ կապի գործիք:
5. ԵՊԼՀ-ն խիստ կարևորում է միջազգայնացումը և իր Ռազմավարական ծրագրում ունի դրան նվիրված առանձին բաժին: ԵՊԼՀ-ի առաքելությունում նշվում է եվրաինտեգրման կարևորությունը, սակայն բուհը կապեր ունի նաև եվրասիական տարածքում և Արևելքում: ԵՊԼՀ-ն համագործակցում է մի շարք միջազգային կազմակերպությունների հետ՝ Եվրամիության, Եվրախորհրդի, ՅՈՒՆԵՍԿՕ-ի և ԱՊՀ-ի լեզվական և լեզվամշակութային քաղաքականությունը մշակող կառույցների: Համալսարանը համագործակցում է նաև այլ երկրների համալսարանների հետ TEMPUS-ի ծրագրերի շրջանակներում:

### **ԹՈՒՅԼ ԿՈՂՄԵՐ**

1. ԵՊԼՀ-ի քաղաքականությունն ու ծավալված գործունեությունը ամբողջությամբ չեն արտացոլված համալսարանի առաքելությունում:
2. Համալսարանն ունի ռազմավարական ծրագիր: Սակայն միջնաժամկետ և կարճաժամկետ ծրագրերը միշտ չէ, որ կապված են Ռազմավարական ծրագրի հետ:
3. ԵՊԼՀ-ի քաղաքականությունը և ընթացակարգերը պլանավորվում են, իրականացվում, սակայն գնահատման գործընթացները մասամբ են իրագործվում, իսկ բարելավման գործընթացները հիմնականում հիմնված չեն գնահատման արդյունքների վրա:



4. ԵՊԼՀ-ում դասընթացների մակարդակով առկա են հստակ ձևակերպված ուսումնառության ակնկալվող վերջնարդյունքներ: Սակայն ընդհանուր ՄԿԾ-ի մակարդակում վերջնարդյունքները հստակ ձևակերպված չեն:
5. Համալսարանը իրականացնում է դասավանդողների կատարելագործմանն ուղղված որոշ աշխատանքներ, սակայն դրանք համակարգված չեն: Արդյունքում առկա են ամբիոններ, որոնք ունեն վերապատրաստման բարձր արդյունքներ, սակայն կան նաև ամբիոններ, որոնց ցուցանիշները այդ առումով բավականին ցածր են: Որպես կանոն վերապատրաստումները իրականացվում են դասախոսների նախաձեռնությամբ, դրամաշնորհների շրջանակներում:
6. ԵՊԼՀ-ում առկա է ֆինանսական ռեսուրսների բաշխման հստակ սահմանված գործընթաց: Ծախսերի պլանավորումը կատարվում է ամենամյա գործընթացների իրականացման տեսանկյունից, տարեկան բյուջեի նախահաշիվ կամ կատարողական կազմելիս բուհը չի առաջնորդվում ռազմավարական գերակա ուղղություններով, ինչը դժվարացնում է ֆինանսական ռեսուրսների բաշխման գնահատումը:
7. Որակի ապահովման ներքին համակարգը ձևավորման սկզբնափուլում է, անհրաժեշտ է մշակել և կիրառման մեջ դնել որակի ապահովման հայեցակարգը, քաղաքականությունը և որակի ապահովման ձեռնարկը:
8. Բացակայում են որակի ապահովման գործընթացներում ներքին և արտաքին շահակիցների ներգրավվածության ապահովման մեխանիզմները:

## **ՓՈՐՁԱԳԻՏԱԿԱՆ ԽՄԲԻ ԽՈՐՀՐԴԱՏՎՈՒԹՅՈՒՆՆԵՐԸ**

### ***Առաքելությունը և նպատակները.***

1. Հստակեցնել առաքելությունը, ապահովել առաքելության համահունչությունը ՈԱՇ-ին, ընդ որում՝ ցանկալի կլինել ապահովել համահունչությունը նաև եվրոպական որակավորումների ազգային շրջանակին, ինչը կապահովի համալսարանի մրցունակությունը ՀՀ ՈԱՇ-ի լրամշակման և ներդրման փուլում:
2. Հստակեցնել առաքելության մեջ հաստատության «մանկավարժական» ուղղվածությանը վերաբերող դրույթները:
3. Մշակել առաքելության ու նպատակների իրականացման արդյունքների գնահատման և բարելավման հաստատված մեխանիզմներ և գործիքներ:

### ***Կառավարումն ու վարչարարությունը.***

1. Համակարգել և հստակեցնել կառուցվածքային բոլոր ստորաբաժանումների արդյունավետ փոխգործակցությունը:
2. Մշակել միջամբիոնային և միջֆակուլտետային լավագույն փորձի փոխանակման մեխանիզմներ:
3. Հստակեցնել Ռազմավարական ծրագրի իրականացման ժամանակացույցը:
4. Ստորաբաժանումների կարճաժամկետ և միջնաժամկետ ծրագրերը բխեցնել Ռազմավարական ծրագրի իրականացման ժամանակացույցից, դրանով իսկ նպաստելով վերջինի արդյունավետ իրականացմանը:
5. Ուսումնասիրել և վերլուծել գործունեության վրա ազդող արտաքին գործոնները:
6. Մշակել պլանավորման, իրականացման, գնահատման, բարելավման արդյունավետ շրջափուլ: Շրջափուլի մշակումից անմիջապես հետո, անհրաժեշտ է նաև կազմակերպել վարչական աշխատակիցների վերապատրաստում, քանի որ արդյունավետ կառավարման համար

անհրաժեշտ են ոչ միայն գործընթացը նկարագրող քաղաքականությունը և ընթացակարգերը, այլ նաև այդ փաստաթղթերը ճիշտ կիրառելու կարողություններով օժտված անձնակազմ:

***Մասնագիտության կրթական ծրագրերը.***

7. Հստակ ձևակերպել բակալավրի և մագիստրոսի ՄԿԾ-ների ակնկալվող վերջնարդյունքները և ապահովել դրանց համապատասխանությունը ՈԱԾ-ին:
8. Մշակել առարկաների ելքային արդյունքների գնահատման վրա հիմնված գնահատման համակարգ:
9. Մշակել ակադեմիական ազնվության հիմնահարցերը կանոնակարգող հստակ փաստաթուղթ:
10. Մշակել բենչմարքինգի իրականացման հստակ մեթոդաբանություն:

***Ուսանողները.***

11. Կատարելագործել ուսանողների կարիքների վերհանման ընթացակարգերը և մեխանիզմները՝ դրանց հաղորդելով առավել համակարգված բնույթ:
12. Կատարելագործել օտարերկրյա ուսանողների հավաքագրման քաղաքականությունը:
13. Ուսանողների կարիերային նպաստելու նպատակով ՄԿԾ-ների մշակմանը ներգրավել թիրախային գործատուներին:
14. Մշակել մեխանիզմներ ուսանողներին բուհի գիտահետազոտական աշխատանքներում ներգրավվելու համար:

***Պրոֆեսորադասախոսական և ուսումնաօժանդակ կազմը.***

15. Վերհանել յուրաքանչյուր ՄԿԾ-ի համար անհրաժեշտ պրոֆեսորադասախոսական կազմին ներկայացվող պահանջները:
16. Ըստ կրթական ծրագրերի մշակել պրոֆեսորադասախոսական կազմին ներկայացվող հստակ պահանջներ՝ հաշվի առնելով կոնկրետ ՄԿԾ-ների առանձնահատկությունները:
17. Պլանավորել դասախոսների կոմպետենցիաների զարգացումը:
18. Մշակել ՊԴ և ուսումնաօժանդակ անձնագրի պաշտոնի անձնագրեր:

***Հետազոտությունը և զարգացումը.***

22. Մշակել և կիրառել գիտահետազոտական աշխատանքի արդյունավետության և արդիականության գնահատման գործիքներ:
23. Ապահովել հետազոտության կապը ուսումնառության հետ:
24. Բուհի գիտական գործունեության արդյունավետությունը բարձրացնելու համար ավելացնել համապատասխան ֆինանսական ներդրումները:
25. Մշակել հետազոտական գործունեության միջազգայնացման հստակ ռազմավարություն:

***Ենթակառուցվածք և ռեսուրսներ.***

26. Բարելավել համալսարանի ենթակառուցվածքը՝ միջոցներ ուղղորդելով ոչ միայն համակարգչային վերազինման, այլև՝ լսարանների կահավորման ուղղությամբ:
27. Ստեղծել դասերի ավարտից հետո ուսանողների խմբային աշխատանքների իրականացման համար նախատեսված լսարաններ՝ ապահովված անհրաժեշտ գրականությամբ և համակարգչային տեխնիկայով:
28. Մշակել համապատասխան մեխանիզմներ բուհում առկա ՄԿԾ-ների իրականացման համար անհրաժեշտ ուսումնական միջավայրի գնահատման համար:
29. Իրականացնել ֆինանսական ռեսուրսների տեղաբաշխման մշտադիտարկում՝ ըստ ռազմավարական զարգացման ծրագրի նպատակների և ուղղությունների:

30. Հատուկ կարիքներ ունեցող ուսանողներին հնարավորինս ապահովել ուսման համար արհրաժեշտ պայմաններով:

***Հասարակական պատասխանատվությունը.***

- 31. Մշակել հասարակության հետ կապերի հատուկ ռազմավարություն:
- 32. Ապահովել հասարակության հետ կապերի շարունակականությունը:
- 33. Պլանավորել միջոցառումները՝ բարձրացնելով գործընթացի արդյունավետությունը:

***Արտաքին կապերը և միջազգայնացումը.***

- 34. Մշակել համալսարանի միջազգայնացման հստակ քաղաքականություն, ընթացակարգեր և ռազմավարական զարգացման պլան:
- 35. Մշակել փորձի փոխանակմանը, զարգացմանը և միջազգայնացմանը նպաստող քաղաքականության ու ընթացակարգերի արդյունավետությունը գնահատող գործիքներ:
- 36. Նվազեցնել համագործակցության պայմանագրերի ոչ լիաժեք կատարման ռիսկը՝ փնտրելով ֆինանսավորման նոր աղբյուրներ:

***Որակի ներքին ապահովման համակարգը.***

- 37. Մշակել որակի ապահովման հայեցակարգ և քաղաքականություն:
- 38. Ձևավորել որակի ապահովման ներքին համակարգ, որը կհամապատասխանի ՀՀ պետական հավատարմագրման չափանիշներին և ESG չափորոշիչներին:
- 39. Մշակել որակի ապահովման ձեռնարկ:
- 40. Ապահովել ՈԱԿ-ի ֆինանսական անկախությունը և ապահովվածությունը բոլոր անհրաժեշտ նյութական միջոցներով:
- 41. Մեխանիզմներ ստեղծել շահակիցներին որակի ապահովման գործընթացներին մասնակից դարձնելու համար:
- 42. Մշակել հստակ մեխանիզմներ, որոնք թույլ կտան գնահատել և պարբերաբար վերանայել որակի ներքին ապահովման համակարգը:

Երևանի Վ.Բրյուսովի անվան պետական լեզվաբանական համալսարանը ընդունում է, որ փորձագիտական խմբի կողմից տրամադրված խորհրդատվությունները բուհի ռազմավարության շրջանակներում են, և ներկայացրել է փորձագիտական զեկույցում նշված թերությունների վերացման ռեկտորի կողմից 7.02.2014թ. հաստատված ծրագիրը:

**ՓՈՐՁԱԳԻՏԱԿԱՆ ԶԵԿՈՒՅՑՈՒՄ ՆՇՎԱԾ ԹԵՐՈՒԹՅՈՒՆՆԵՐԻ ՎԵՐԱՑՄԱՆ ԲՈՒՇԻ ՇՐՄԱԳԻՐԸ**

Ուսումնասիրելով Համալսարանի ինստիտուցիոնալ կարողությունների բարելավումների ծրագիրը, կարելի է եզրակացնել.

- 1. Ներկայացված պլան-ժամանակացույցի գործողությունները դուրս են բերվել ԵՊԼՀ 2013-2017թթ. Ռազմավարական ծրագրի գործողությունների պլանից, որը հաստատվել է 20.12.2013թ. ԵՊԼՀ-ի գիտխորհրդի նիստում:
- 2. Պլանում գործողություններ են նախատեսված փորձագիտական զեկույցում զետեղված գրեթե բոլոր խորհրդատվությունների ուղղությամբ, բացառությամբ


- a. չափանիշ 7-ի «Հատուկ կարիքներ ունեցող ուսանողներին հնարավորինս ապահովել ուսման համար անհրաժեշտ պայմաններով»
  - b. չափանիշ 10-ի «Ապահովել ՈԱԿ-ի ֆինանսական անկախությունը և ապահովվածությունը բոլոր անհրաժեշտ կյութական միջոցներով» խորհուրդների:
- Մակայն նշված է, որ դրանք նախատեսվում է ներառել հաջորդ հնգամյա ռազմավարական ծրագրում:
3. Գործողությունների հաջորդականությունը տրամաբանական է, սակայն գործողությունները և դրանց իրականացման քայլերը առանձնացված չեն, ինչը դժվարացնում է քայլերի արդյունավետ գնահատումը:
  4. Պլանում հիմնականում նշված են միայն գործողությունների իրականացման համար պատասխանատու կառույցները, պատասխանատու անձինք նշված են միայն միքանի գործողությունների համար:
  5. Գործողությունների իրականացման համար նախատեսված ժամանակահատվածները իրատեսական են, սակայն առանձին քայլերի համար ժամկետները նշված չեն:
  6. Գործողությունների իրականացման վերջնարդյունքները և վերջնարդյունքի գնահատման ցուցիչները որոշ դեպքերում միացված են:

**Եզրահանգում.** Ծրագրի հիմնական մասի իրականացումը ռիսկեր չի պարունակում: Համալսարանը պլանավորել է մեկնարկել հիմնական ոլորտներում անհրաժեշտ աշխատանքների իրականացումը մոտակա երկու տարվա ընթացքում: Թերությունների վերացման ծրագիրը հաջող իրականացման արդյունքում մշակված կլինի համալսարանի գործունեության հիմնական ոլորտների արդյունավետության գնահատման և բարելավման գործիքները և ընթացակարգերը և սկսված կլինեն բարելավման հիմնական գործընթացները:

Ելնելով վերոգրյալից, ՈԱԱԿ-ը Հավատարմագրման հանձնաժողովին առաջարկում է իր որոշման մեջ ԵՊԼՀ-ի ուշադրությունը հրավիրել հետևյալ կետերի իրականացման վրա

- 1) առաջնահերթ լուծում տալ **Մասնագիտության կրթական ծրագրեր, Հետազոտություն և զարգացում, Ենթակառուցվածքներ և ռեսուրսներ, Որակի ներքին ապահովման համակարգ** ոլորտներում առկա խնդիրներին,
- 2) «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգի 12 կետով կամ Հավատարմագրման հանձնաժողովի կողմից սահմանված ժամկետներում պարբերաբար ՈԱԱԿ ներկայացնել գրավոր զեկույց իրականացված գործողությունների արդյունքների վերաբերյալ,
- 3) բուհի կողմից ներկայացված փորձագիտական զեկույցում նշված թերությունների վերացման ծրագրի վերանայման ժամանակ հաշվի առնել սույն եզրակացության մեջ նշված դիտողությունները ծրագրի վերաբերյալ:

ՈԱԱԿ-ը գտնում է, որ առաջարկվող բարեփոխումները կնպաստեն ինքնավերլուծության զեկույցում ներկայացված համալսարանի հավակնությունների իրականացմանը և հիմք կհանդիսանան հաջորդող գնահատման համար:

  
 Փորձագ. խմբի ղեկավար

  
 ՈԱԱԿ Համակարգող

Փորձագիտական խմբի կազմը.

- Դոց. Լիլիթ Ջաքարյան, պատմական գիտությունների թեկնածու, ՀՀ ԳԱԱ պատմության ինստիտուտի ավագ գիտաշխատող, ՀՀ (փորձագիտական խմբի ղեկավար);
- Պրոֆ. Դեվիդ Թիմս, PhD, Կրթության որակի ապահովման խորհրդատու, Մեծ Բրիտանիա;
- Պրոֆ. Ելենա Երզնկյան, բանասիրական գիտությունների դոկտոր, ԵՊՀ անգլերեն լեզվի թիվ 2 ամբիոնի վարիչ, ՀՀ;
- Դոց. Աղավնի Հակոբյան, տնտեսական գիտությունների թեկնածու, ՀՊՏՀ արտաքին կապերի բաժնի գլխավոր մասնագետ, ՀՀ;
- Ուսանող Անի Գասպարյան, Երևանի Մ.Հերացու անվան պետական բժշկական համալսարանի ուսանող, ՀՀ:

ՈԱԱԿ-ի աջակցող աշխատակազմը.

- Մկրտիչ Այվազյան, ֆիզմաթ. գիտ թեկն., դոցենտ, Ինստիտուցիոնալ և ծրագրային հավատարմագրման բաժնի ղեկավար և խմբի աշխատանքների համակարգող,
- Ալինա Խաչիկյան, ՈԱԱԿ-ի Ինստիտուցիոնալ և ծրագրային փորձաքննության բաժնի մասնագետ, թարգմանիչ,
- Լիլիթ Ղազարյան, ՈԱԱԿ քարտուղարության մասնագետ, քարտուղար-սղագրող:

**ԱՄՓՈՓ ԳՆԱՀԱՏՈՒՄՆ**

Փորձագիտական խումբը իր գնահատումը ըստ հավատարմագրման չափանիշների ներկայացրել է հետևյալ աղյուսակով.

ՉԱՓԱՆԻՇ	ԳՆԱՀԱՏՈՒՄ
1. Առաքելությունը և նպատակները	ՄԱՍԱՄԲ ԲԱՎԱՐԱՐ
2. Կառավարումն ու վարչարարությունը	ՄԱՍԱՄԲ ԲԱՎԱՐԱՐ
3. Մասնագիտության կրթական ծրագրերը	ՄԱՍԱՄԲ ԲԱՎԱՐԱՐ
4. Ուսանողները	ՄԱՍԱՄԲ ԲԱՎԱՐԱՐ
5. Պրոֆեսորադասախոսական և ուսումնաօժանդակ կազմը	ՄԱՍԱՄԲ ԲԱՎԱՐԱՐ
6. Հետազոտությունը և զարգացումը	ՄԱՍԱՄԲ ԲԱՎԱՐԱՐ
7. Ենթակառուցվածք և ռեսուրսներ	ՄԱՍԱՄԲ ԲԱՎԱՐԱՐ
8. Հասարակական պատասխանատվությունը	ԲԱՎԱՐԱՐ
9. Արտաքին կապերը և միջազգայնացումը	ԲԱՎԱՐԱՐ
10. Որակի ներքին ապահովման համակարգը	ՄԱՍԱՄԲ ԲԱՎԱՐԱՐ
<b>ԵԶՐԱԿԱՑՈՒԹՅՈՒՆ</b>	<b>ՄԱՍԱՄԲ ԲԱՎԱՐԱՐ</b>

<sup>3</sup> Գնահատումը կատարելիս փորձագիտական խումբը հետևել է «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման կարգին» և Փորձաքննության անցկացման ձեռնարկում նկարագրված ընթացակարգին՝ իրականացնելով նախ չափորոշիչների, ապա նաև չափանիշների գնահատում: Կիրառվել է «անբավարար», «մասնակի բավարար» և «բավարար» սանդղակը:

Փորձագիտական խումբը գնահատելիս օգտվել է հետևյալ սկզբունքներից.

- **անբավարար է**, եթե չափանիշի պահանջներին չի համապատասխանում, նման ձևով շարունակելն անթույլատրելի է, և հրատապ բարելավումների անհրաժեշտություն կա,
- **մասնակի բավարար է**, եթե չափանիշի ոչ բոլոր պահանջներին է համապատասխանում, սակայն իրատեսական է, որ, անհրաժեշտ բարելավումներ իրականացնելու դեպքում, ողջամիտ ժամանակահատվածում կարող է համապատասխանել,
- **բավարար է**, եթե համապատասխանում է չափանիշի պահանջներին, չնայած որ կարող է լինել բարելավման անհրաժեշտություն: